

ISSN 2249-510X

A Peer Reviewed and Refereed Journal of

Kashmiri Literature and Language

Department of Kashmiri

University of Kashmir

پرانہ کاشتر شاعری: فکری بساط تہ آہنگ

محفوظہ جان

تلخیص:

کاشتر شاعری ہنز روایت چھے کاشتر بو نثری اصنافو کھوتہ واریاہ پر آڈی۔
”چھم پد“، ”سگرہ شلوک“، بیتر ہوو فلسفیانہ پوشہ گو ندری یو دوے کاشتر شاعری ہند
پوشہ باغلو ابتدائی نمونہ چھ، اما پو زیم چھنہ فہمس منزینہ واکر۔ لہہ دید ہش سرو قد
چھے کاشتر شاعری ہنز پزینہ دسلاہ کار تہ امر سندا کو نثری ہم عصر ندریشی چھ شاعری
ہندس اتھ باغس سگہ ون وول بیا کھ شاعر۔ یمن دوشو نی ہنز شاعری چھے فہمس منز
ینہ واکر۔ لہہ واکھن تہ شیخ شکر کن ہند فارم چھ بیشتر پاٹھی ہیو، گاہے چھے مصرعن ہند
تعداد ہشرن، گاہے چھے ردیف قافیہ کہ ورتا وچ ہشرن تہ کنہ کنہ چھ بے قافیہ مصرعہ
تہ ورتا وچ آمت۔ ہیبت اعتبار چھے لہہ واکھن مقابلہ شکر کن منز رنگارنگی تہ زن گو و
شکر کن منز چھ وژنکو انہارتہ ویدی۔ وژن چالہ طویل نظمیں منز چھ بار بار ووج مصرعہ
ورتاوس منز آمت۔ ”کرو دنو مسلمانس پزے“، ”بار خدایا پاپ نوار“ تہ ”یس کر
گو نکل سے کر کزاو“ ووج مصرعہ واجنہ نظمہ چھے امہ انمانہ کینہہ مشہور شعر نمونہ۔

کلیدی الفاظ: نثری اصناف، کونٹری ہم عصر، طویل، فلسفیانہ، ورتاوس

شرکین تہ واکن منڑ چھ بیشتر پائٹھی سڈر تہ قطر کین جلون ہند تڈ کر اپا پوز شرکین منڑ چھ خالق تہ مخلوق کس تصورس پٹھ زیاد زور آسنہ علاو خالقس بروئہہ کنہ جواب دہی ہند شدیدا احساس تہ موتگ حد کھوتہ زیاد خوف بیلہ زن للہ نشہ موتگ خوف چھنہ بلکہ چھ یوہے موت جُرس گلس ستر ملہ ونہ ہند ذریعہ۔ شرکین مقابلہ چھ للہ واکن منڑ آفاقیٹنگ رنگ کنہ مخصوص مذہبی یا نظریاتی تصور نشہ بدون پائٹھی ووپدیومت تہ شرکین منڑ اسلامی فکری رجحانچ پاسداری۔ یثہ تفاوت باوجود تہ چھ شرک تہ واکن ذات پات (Casteism)، غار موزون مذہبی بندشہ بجایہ انسانی اقدارن ہند احترام کو تہ پاری ہند کھو لگتہ انسانیتس مشکاون واکر عطر دان۔ موجود دوس منڑ عالمی سطحس پٹھ انسانی قدرن لہ مؤند کرن والین تہ باے بندتس ددار و اتناون والین شر پسند عنصرن خلاف چھ یثہ شاعری منڑ احتجاج تہ عالمی باے بند تیگ پیغام تہ۔ واکن منڑ چھ خود کلامی تہ شرکین منڑ تبلیغ رنگ غالب مگر یہ ون تہ چھ دوس آب مانس برابر ز واکن منڑ چھ گاہم پائٹھی خود کلامی تہ شرکین منڑ خطابت۔ ہم دوشوے رنگ چھ یمن دوشوئی شاعرن سرودر۔ واکن منڑ چھ سوچہ سو درس طلاطم تلن واکر تھی شعریہ موجود ہم فکر ہنر ز الہ ڈلہ کر تھنا صحابہ انداز کر شو در خطاب چھ۔

کھن کھن کران کن نو واتکھ
نہ کھنہ گڑھکھ اہنکا رر
سوئے مالہ کھنہ سوئے روزکھ
سوئے کھنہ ہنر نے برنن تارر

راون تیول (Sense of Loss) چھ واکن تہ شرکین ہنر مشترکہ خصوصیت۔
ہجو ہارنجہ پیو وکان گڑھن، قلفہ روس وان گڑھن، ناپدری بارس اٹہ گند ڈیول گڑھن، کھنہ منڑ
ژا رتھ کڈن، یاون کستور کلن بیتہ بیانہ چھ مذکور تصور ووتلاونہ علاو مرثی لے Elegenic

Tune ووتلاونس منز ته کار فرما۔ اما پوز واکن منز چھ یہ دنیوی عملہ ہند کھو چر سببہ زیادہ بارس
 آمت ته شرکین تصور آخرت سببہ۔ بہتر بیا کھ مشترکہ خصوصیت چھے یہ زمین چھ تشبہن، استعارن،
 پیکرن ته علامتن ہند ورتاوتی علامتی رنگ وونہ آمت یمہ کہ مدتہ ستی تخیلی وڈو، انگہ یکت ته
 ٹریجڈی بارس چھ آمت۔ شرکین منز چھے کتھ سیو دسا پٹھک وونہ آمت ته واکن منز چھے ابہام اند
 وند چھاوتھ تکیا زکمر چھنہ ندریشی پٹھک وضاحتی استعار گری متی ته معنی اعتبار توے مختلف ژھایہ
 وود پیمہ۔ لہ ہند یہ مشہور شعرے نی تون مثالہ رنگو:

بچو ہا رنجہ پیو یو کان گوم
 ابکھ چھان پیوم ہتھ راز دانے
 منز باگ بازرس قلفہ روس وان گوم
 تیرتھ روس پان گوم کس مالہ زانے

یو دوے یودوشو یونپنی شاعری نئس چھنہ کھاچھہ مگر یمن منز چھ فطرتاً ساز کو (Natural
 Music) ناگرادوزان۔ ہتھ ہیو رنگ چھ لہ واکن منز لفظن ته آوازن ہند دباوتی بارس
 آمت ته امہ ستی چھنہ تاثرس کا نہہ ددار وومت۔ کاشتر زبانی ہنز رنگہ مندور چھے پہہ انہ ہتیو عربی،
 فارسی، سنسکرت ته دویمین زبان ہند بولفظوتی زول گرتھ تعمیر کرنہ آمت۔ ہتیو کئی کاشتر زبان ژھوکنہ
 بجایہ زند ته کوچھ بڈینے۔

حیہ خوتون چھے لال دید ته ندریشی نہ پتہ ساروے کھوتہ اہم ته ویز شاعری ہنز
 زبان، موضوع ته ہیبت یودوشو یومقبول عام شاعر و نشہ مختلف چھے۔ تکر ہند بن وژن ہند موضوع
 چھنہ سدر ته قطر یا خالق ته مخلوق سندرشتہ ته نہ چھ انہ بالافطری محبوبس لولہ کھول کرن وول زمینی
 عاشق۔ بلکہ انسانی زوزہ تھاون وول یس انسانی نفسیات، خوبی ته خائین سان برونہہ گن چھ

آمت - سوچھے عشقہ مڑ بٹھ انسانی لولکہ وصلک تمنا تھا ون واچینز وتہ گتہ تہ جد آئی ہند بن واو دکن
 لکن واچینز پر ژھینز ٹیکہ بٹہ۔ گتہ چھے سو پونپری ہندری پاٹھکر عشقہ نارس اندر اندر نوتھ نار جوشہ بستر
 دزتھ پیہڑ تہ گتہ چھے سونسوانی آواز بٹھ تمن کا شرن زنان ہنز ترجمان بیم وارو وین ہندری ستم
 وتراونکس آونکس منز ژونڈ پھلیہ ہندری پاٹھکر ہرک ہرک پیہڑ چھے۔ وارو وین ہندری ستم تہ مالکہ راکھک
 یاد چھتس مڑو رک کنڈکر پاٹھکر اگا دگومت۔

گر دز الیس آپہ ٹٹس

نوٹ مے پھٹمو مالنیو ہیو

یادی تو م تہ نوٹا

نتہ تہ چے ہار مالنیو ہیو

حیہ خوتونہ ہند فنی کمال چھ یہ ز سوچھے ذاتی غمس بناونس منز کامیاب سپز ہڑ۔ یہ غم چھ
 تہند بن شعرن منز تمہ آیہ جائے کرتھ ز یہ چھ زندگی تہ موت چہ ٹھولہ ٹھولہ ہند مجسمہ بنان۔ زندگی
 ہند ملہ مایہ تہ پاراوتہ تہ موچ غارت گری چھے زندگی تھپہ تنگ تہ موتس نکھہ انہ نک باعث۔
 مجروح رشید سندنہ بیان چھ امہ انمانہ سہٹھے توجہ طلب ز :

”حیہ خوتونہ ہنز شاعری چھے پھری پھری بیتھ احساس

زنم دوان زتسند کلہم سرمایہ چھ اکھ پوشہ ون غم۔۔۔ تس

اوس پنہ ذاتہ ہنز اہمیت ہند زبردست احساس تہ یوہے

احساس چھ تھ ساری سے غمس سگ دوان، یس تمک سبز

شاعری ہند حاصل چھ۔“

تس چھ حاصل نہ سپدنگ غم تہ کینہہ راونک غم۔ سیو دساہ باوتھ کرتھ چھتس یہ غم نغماون

تو گمت تہ چھے قاری لیس پتیس فنس منز غوطہ دیاونس منز کامیاب سپر مہ۔

ماکر ماجہ رچھنس قند کستورے

دودستہ اہم تن ناوان

سے پان لوگ ماراہ مسافورے

کانسہ ماراؤن شورے پان



زولہ چھم نہ یوان مولہ چھکھ والان غم چھم وآنجہ سے

زانہہ چھکھ نہ دودمت سینہ شہلاوان ژے کہو زگیہ میاڈی دے

حیہ خولونہ ہند کمال فن چھ یہ زس چھنہ ابہاڈی سرحدن نون براہ آمت بلکہ چھے تمہ شو دلفظ
باوتھ کرتھ ڈرامایت وجودس اڈی مہ۔ اتہ چھنہ فارسی، سنسکرت تہ عربی زبانی ہند غلبہ بلکہ چھ شوڈی
کاشری لفظ، تشبیہ، استعارہ علامتہ ہندورتاؤ۔ تکر سنز زبان چھنہ عام زبانی نشہ کنہ تہ رنگہ دؤر۔
تمثیلی رنگ تہ چھنہ اتہ ناپید۔ وژن فارم پانناٹک یو ڈسبب اوس یہ زیہ ہیئت اُس زانہ لے کہ غلبہ
ستہ ولتہ۔ وژنہ خاطر چھ لائم زیہ گڑھ سازس کھسن۔ امہ رنگہ چھ ہم وژن لگہ باتن نکھ تہ موسیقی
چھے یہنز ورن تہ وھرن۔

پرانہ کاشری شاعری تہ بالخصوص صوفی شاعری ہندس شعریاتس متعلق کا نہہ بحث کرنہ و زچھے یہ
کتھ واضح سپدان ز شعر قابلس منز تراونہ و زچھ شاعر اکايل تجربس اکھ کاے عطا کرتھ اکھ ٹھوس
صورت ووتلاوان۔ تخلیکی پرواز چھ عقاب ہندک شہہ پر تہ وژو کرناوتھ تمہ زمانہ صورت حالک نظار
کرناوان بیلہ انسان یو دگڑھنے اوس۔ یہ دنیا چھ نہ کنہ تہ رنگہ بے یو دباسان بلکہ بصارتس تہ
بصیرتس محو کرنگ و سپلہ۔ تاثیر تہ خیال چھ سہ پن نمتر یس رنگہ رنگہ نقشہ گری ہنز تصویر بناونس منز اہم

چھ۔ بلکہ چھ مختلف تصویر یکے دے بروئہ کن ہتھ کولاج بناونس ستر ستر اکھ وحدت ہتھ کانہہ مخصوص
تصور پیش کران زن چھ مختلف رنگن ہنز ملہ ونہ ستر سونزل نبس پٹھ پر بلان۔

عالم چھ وولمت زلف خم نے

آدم چھ بے تختیار

ناؤ دنعہ کو رو دے غم نے

کمہ نے ستر گوم یار (وہاب کھار)

☆

عرش تہ گرسی کن اوس دے

نؤن اوس بہتھ درمادان

برذکر تصویر براوس دے

سراوس پنے برطوفان

قاف اوس زینے تہ تا پھ اوس پنے

ونے پہ در دینستان

یو دے اردا ہمہ صدی پٹھ و ہمہ صدی ہندس گوڈ کالس تام تصوف غالب رو د، اتھ دورس
منز آہہ بیشتر شاعری منز صوفیانہ تجربن ہنز باوتھ کرنہ۔ مخصوص فلسفہ باونہ باوجود چھ یشہ شاعری ہند
شعریات قابل توجہ تہ مخصوص فکری تصورس لور روزنہ باوجود چھ انسانی زندگی ستر وابستہ کھری دار
سوالن ہند جواب شعر کس تخلیقس ددار واتنہ بغا رے میلان۔ فنا فی الذات، فنا فی الشیخ، لاہوت،
ملکوت بیتر صوفی اسرارن ہنز کتھ کران کران چھ زندگی ہند بن پزن ہنز عکاسی کرنہ آہہ۔ اندر
پلکو مشاہدن منز روزن واکر چیز چھ انسانی نفسیات تہ فطرتس ستر وابستہ لمحاتی پزن، خصلتوں تہ
جبلوں ہنز بر پور پٹھ عکاسی کران بیمہ کنی پہ بسیا رجہول شاعری ہند گون برقرار تھ اتھ چھ تہ

پڑھ ہنس باوتھ چھے بارسس آمڑ:

دچھ رائٹھ کھڑ ہلہ ہلہ

تھ تہ نازانہہ وردزاو

کأر گر کوتاہ دلہ

کہوکلہ کر ٹھہراو (صدمیر)

پرانہ کاشر شاعری منڑ چھنہ ہیتی تبدیلی ہنگہ تہ منگہ وجودس آمڑ بلکہ چھے یہ تبدیلی تجربہ چہ
وسعہ، مآرک منظرس تہ جد ژ ہند روادار۔ فراق سُنڈ یہ اقتباس چھ امہ حوالہ قابل توجہ:

”صوفی شاعر چھ ہیڑ لحاظ تھ کر حض شینہ سبز وژن نماشکر کچالہ تھ چہ خوتونہ،

ارنہ مالہ تہ باقی کینہہ وشاعر و پوچھر دیئت تہ خدوخال شو رپنہ باوژ باپت استعمال

کران۔ اما پوزیہند دس چھ اتھ بیہ ہن حسن یوان۔ ہم چھ امہ حوالہ نو ہیڑ تہ وجود

دوان یمن منڑ پد تہ نظم شامل چھے۔ تہنر ہیئت سازی ہند یہ تلاش چھ نتیجہ تمن دشوآرین

ہندیمہ صوفی شاعرن اتھ ہیڑ منڑ پنڑ بر پو ر باوتھ کرنس منڑ یوان آسہ۔ حالانکہ غزلس

مقابلہ چھے وژنس منڑ واریاہ وسعت تہ آزادی مگر یمن نشہ اُس تم تجربہ یمن ہند باپتہ

یہ وسعت سبٹھاہ تنگ اُس۔ رحمان ڈارنہ شش رنگ آہنگ تہ تمہ تجربہ ہے ہے

کرناون واجینڑ تیچ عظیم وحدت گڑھے وژنس منڑ رتہ دا دے۔ شش رنگ روز ہے نہ تہ

یہ سہ پد ہیڑ منڑ چھ۔ رحمان ڈاروس امہ حقیقوش پو ر آگاہ۔ توے ژا رتھر امہ باپت

پد۔ امیک نتیجہ چھ یہ دزامت ز ایچ باوتھ کاری چھے پرن ولس امیک پرن لہجہ

ژھارنس منڑ پانہ ساروے کھوتہ زیاد مدد گار ثابت سپدان۔ باسان چھ ز

رحمان ڈارن چھ اتھ منڑ پر تھ لفظک قد سو رمت تہ حد میؤنمت۔ پر تھ لفظس چھن

پن پنے مقدارِ مؤجوب بار تر وومت۔ امیک تر چھ یہ دڑا مت ز ساری لفظ چھ
متوازن طریقےس پٹھ حرکت کران۔ کاشر شاعری منز چھ امہ قبیلکوتتھو فن پار سبھاہ کم
بیم شش رنگس ستر ہمسری کرتھ ہلکن۔“ ۲

وژن چالہ نظمیں ہنز تمثیلی باوڑ چھے یڑھ شاعری منفرد شعریات عطا کرنگ و سپلہ۔ ”تمثیل آدم“
محمود گامی، ”مانچھ تلر“ رحمان ڈار، ”نئے“ احمد بو آری، ”شتر یاہ گوشہ تھے“، شمس فقیر چھے کینہہ تڑھ
نظمہ یمن منز تمثیلی وونا و سببہ فنی تکمیلیت بارس چھے آہو۔ بعضے چھ مکالماتی انداز یمن نظمیں ہنز منفرد
خصوصیت، سوچ کر الہی مکالماتی نظم ”دیپوس تہ دو پنم“ چھے یڑھ خصوصیت ستر مالا مال۔ مکالمہ چھ
بالا فطری محبوبس تہ زمینی عاشقس در میان۔ نظمہ ہند مکالماتی رنگہ ستر بارس آمت اسلوب چھ زیاد
اہم۔ سید بن سادن لفظن چھ فنکاری ہند وردن تہ جامہ لاکھ ڈراما و تلو و نہ آمت تہ یمن لفظن منز
چھ سوز پریران۔

دیپوس کیاہ چھ اندر کیاہ چھ نمبر
تکو دو پنم بی چھ اندر تی چھ نمبر

پرانہ کاشر شاعری ہند چھ شعریاتہ کہ حوالہ یہ اہم دیوت ز ”مقام بند مرثیہ“ آہ اٹھ دورس
منز وجودس۔ مرثیہ آہ پانڑھ ہیتی تہ پانڑھ موضوعی حصہ کرنہ۔ ”تھ ہیو شعریات چھنہ پنیہ کنہ زبانی
منز دڑیٹھو آمت تہ بے نوقطہ مرثیہ تہ چھے امی دورج ارزتھ۔ مثنوی ادبہ حوالہ چھے ”یوسف ز لیلا“
محمود گامی، ”گلریز“ مقبول شاہ کراہ و آری تہ ”اکہ نندن“ بیتر تڑھ اہم مثنویہ یم منظر نگاری،
کردار نگاری تہ اختصار رنگہ کاشر ادبکو کینہہ اہم شاہکار چھ۔ یمن منز چھنہ صرف آفاقیت یوت
وو پدیمز بلکہ مقامی رنگ کہ بر ملا ورتا و ستر امہ شاعری ہند شعریات کاشر مزاز بہتھ بڑ و نمہ کن
آمت۔ غزلس میول اٹھ دورس منز پوچھر۔ فارسی عروضہ کہ مدتہ لوب غزلن جہار۔ شاعری ہنز

سراپا نگاری تہ پیکر تراشی ہند التزام چھ امی دورک دیئت۔ مردانہ لہجہ تہ نسوانی دوشوے لہجہ
 ورتاون وول شاعر رسول میر میر چھ لفظن ہند مناسب ورتاوسببہ غزلس عرو جس ورتاوان۔ کلام
 پاٹھو چھ اتھ دورس منز کاشر شاعری مشرقی شعری جمالیاتگ اہ۔
 مذکور دورچہ شاعری منز چھ نغمگی اند وند چھاوتھ۔ بیشتر پاٹھو چھ زچھن آوازن آ۔ اے، او،
 اوم، آن، بیتر واکر دلیف قافیہ نغمگی ووتلاونہ باپتھ ورتاونہ آمتز۔ غنائت چھ امہ دورچہ شاعری
 ہنزاہم خصوصیت یہ چھ غالب پاٹھو شعر کہ اندرون پٹھ ووتلان تہ اصطلاحن ہنزا رز سببہ چھ یہ
 غنائت محفوظ و رزہ۔

کتابیات:

- ۱۔ انہار: کاشر شاعری (چہ خوتونہ پٹھ محمود گامیس تام) چہ خوتونہ ہنزا شاعری منز ذاتگ تصور تہ
 زندگی ستروا بستگی (مروح رشید)، کاشر ڈپارٹمنٹ کشمیر یونیورسٹی سرینگر، ۱۹۸۹ء، ص ۵۲۔
- ۲۔ انہار: کاشر شاعری ہند باوژ بل تہ صوفی شاعر (فراق)، کاشر ڈپارٹمنٹ کشمیر یونیورسٹی
 سرینگر، ۱۹۷۹ء، ص ۱۱۲۔